

Kaji semula peruntukan Jakoa

Sultan Selangor mahu kerajaan kaji peruntukan yang makin berkurangan sejak 2017

NORAFIZA JAEAR

KUALA LANGAT

Sultan Selangor, Sultan Sharafuddin Idris Shah mahu kerajaan Persekutuan dan kerajaan negeri mengkaji semula peruntukan yang diberikan kepada Jabatan Kemajuan Orang Asli (Jakoa) Selangor yang semakin berkurangan sejak 2017.

Sultan Sharafuddin bertitah, baginda difahamkan peruntukan kewangan kepada Jakoa Selangor diturunkan setiap tahun mulai tahun 2017.

"Kerajaan perlu memberi peruntukan sewajarnya kepada Jakoa Selangor untuk melaksanakan projek pembangunan infrastruktur dan modal insan serta kebajikan orang asli.

"Penurunan peruntukan tersebut perlu dipandang serius dan dikaji semula oleh kerajaan Persekutuan dan negeri supaya jumlah peruntukan mencukupi serta dapat digunakan untuk pemba-

FOTO: PEJABAT DATUK MENTERI BESAR SELANGOR



Sultan Sharafuddin dilirangi Tengku Permaisuri Norashikin berangkat menyaksikan pameran hasil produk orang asli pada Program Perjumpaan Dengan Masyarakat Orang Asli di Pulau Carey semalam.

ngunan masyarakat orang asli di Selangor," titah baginda.

Tuanku bertitah ketika berangkat ke Program Perjumpaan Dengan Masyarakat Orang Asli di Pulau Carey di sini semalam.

Mengiringi baginda, Tengku Permaisuri Selangor, Tengku Permaisuri Norashikin bersama Raja Muda Selangor, Tengku Amir Shah dan Menteri Besar Selangor, Amirudin Shari.

Sultan Sharafuddin bertitah masyarakat orang asli perlu memberikan perhatian terhadap pendidikan generasi muda mereka agar tidak tersisih daripada arus pembangunan di negeri Selangor.

"Beta menyeru kepada semua tok batin dan masyarakat orang asli supaya menghantar anak-anak mereka bersekolah. Ini amat penting untuk pembangunan generasi masyarakat orang asli pada masa akan datang," titah baginda.

Di samping itu, Sultan Sharafuddin turut mengingatkan masyarakat orang asli agar mengambill berat mengenai kesihatan dan kebersihan bagi memastikan tiada wabak penyakit berjangkit yang boleh membahayakan masyarakat.

"Penjagaan kebersihan diri dan kawasan sekitar adalah perlu

Belanjawan Selangor 2020 tidak pinggir orang asli

KUALA LANGAT - Kerajaan negeri tidak pernah mengabaikan masyarakat orang asli walaupun peruntukan terhadap pembangunan masyarakat tersebut menurun kepada RM500,000 pada Belanjawan Selangor 2020.

Menteri Besar Selangor, Amirudin Shari berkata, bebenaran inisiatif akan diteruskan kerajaan negeri melalui Majlis Mesyuarat Kerajaan Negeri turut bersetuju menubuhkan Jawatankuasa Tetap Hal Ehwal Orang Asli Negeri Selangor bagi menjaga kebajikan 19,761 masyarakat orang asli di lima daerah di Selangor.

Menurutnya, inisiatif itu sebagai maklum balas kepada Jabatan Kemajuan Orang Asli (Jakoa) Selangor yang meny-

takan peruntukan Persekutuan pada tahun ini ditumpukan kepada Perak dan Pahang sahaja.

"Kerajaan Selangor turut akan meneruskan Biasiswa Sagong Tasi untuk anak orang asal di sekolah menengah yang menepati kriteria yang ditetapkan," katanya pada Program Perjumpaan Dengan Masyarakat Orang Asli di Pulau Carey di sini semalam.

Terdahulu, beliau mengiringi Sultan Selangor, Sultan Sharafuddin Idris Shah bersama Tengku Permaisuri Selangor, Tengku Permaisuri Norashikin dan Raja Muda Selangor, Tengku Amir Shah melawat Pusat Kraf Orang Asli dan Perkampungan Budaya Mah Meri.

sihat dan persekitaran yang baik," titah baginda.

Baginda turut bertitah supaya Jakoa dan Kementerian Pelancongan Seni dan Budaya dapat membantu melaksanakan aktiviti-aktiviti kraf masyarakat orang asli.